



Na osnovu člana 119. Zakona o prostornom uređenju Kantona Sarajevo («Službene novine Kantona Sarajevo», br. 24/17 i 1/18) i člana 69. Statuta općine Centar Sarajevo – Prečišćeni tekst («Službene novine Kantona Sarajevo», broj 23/04), Općinski načelnik, objavljuje

J A V N I P O Z I V
stručnim licima za podnošenje prijava
za učešće u radu komisija
za tehnički pregled građevina
na području Općine Centar Sarajevo

I

Pozivaju se zainteresovana fizička lica da podnesu prijave za učešće u radu komisija za tehnički pregled građevina na području Općine Centar Sarajevo za 2026. i 2027. godinu, slijedećih struka:

- arhitektonske,
- građevinske,
- elektrotehničke,
- mašinske,
- saobraćajne,
- geodetske,
- zaštite od požara i eksplozije i zaštite na radu,
- kontrole sanitarnih uslova.

II

Na Javni poziv mogu se prijaviti diplomirani inženjeri navedenih struka, sa najmanje pet (5) godina radnog iskustva u struci, a nakon sticanja VSS (VII stepen stručne spreme, odnosno visoko obrazovanje Bolonjskog sistema studiranja sa najmanje 240 ECTS bodova) i sa položenim stručnim ispitom.

Doktori i magistri nauka iz oblasti za koju se prijavljuju umjesto uvjerenja o položenom stručnom ispitu dostavljaju rješenje o oslobađanju obaveze polaganja stručnog ispita.

III

Tehnički pregled ne mogu vršiti službena lica koja su učestvovala u postupku izdavanja lokacijske informacije, odnosno donošenja urbanističke saglasnosti i odobrenja za građenje, niti lica koja su učestvovala u izradi tehničke dokumentacije, reviziji glavnog ili izvedbenog projekta, gradnji i nadzoru nad gradnjom i nadležni inspektor koji je vršio nadzor nad gradnjom objekta i drugi inspektori i lica sa posebnim ovlaštenjima, u čijoj su nadležnosti poslovi upravnog nadzora.

IV

Lica koja su 2023. godine, dostavila uredne prijave i potpunu dokumentaciju, te se nalazila na Listi stručnih lica koja ispunjavaju uslove za obavljanje poslova tehničkog pregleda građevina na području Općine Centar Sarajevo za 2024./2025.godinu, **potrebno je da dostave samo potpisanu prijavu sa ličnim podacima.**

Ostala fizička lica uz potpisanu prijavu sa tačnom adresom, brojem telefona i e-mail adresom na Javni poziv dužna su dostaviti u originalu ili ovjerenoj kopiji:

- kratku biografiju/CV uz obaveznu naznaku uže oblasti (jedne ili više njih) za koju se stručno lice prijavljuje,
- ovjerenu kopiju diplome o završenom fakultetu (VII stepen stručne spreme, odnosno visoko obrazovanje Bolonjskog sistema studiranja sa najmanje 240 ECTS bodova),
- ovjerenu kopiju uvjerenja o položenom stručnom ispitu (nakon sticanja VSS, odnosno VII stepen stručne spreme ili visoko obrazovanje Bolonjskog sistema studiranja sa najmanje 240 ECTS bodova),
- dokaz o radnom iskustvu izdatom od poslodavca iz tačke II Javnog poziva,
- dokaz o položenom stručnom ispitu, ili dokaz o sticanju naučnog zvanja i rješenje o oslobađanju obaveze polaganja stručnog ispita (za doktore i magistre nauka iz oblasti za koju se prijavljuju), kao i dokaz o stručnom osposobljavanju za posebne oblasti predviđenom posebnim propisima i izdatom od strane nadležne institucije,
- dokaz o otvorenom transakcijskom računu kod poslovne banke (kopija kartice ili potvrda izdata od strane banke),
- rješenje o obavljanju dopunske djelatnosti općinskog načelnika (vrijedi samo za uposlenike Općine Centar Sarajevo koji se prijavljuju na Javni poziv),
- ovjerenu izjavu – kojom podnosilac izjavljuje da će blagovremeno pismenim putem obavijestiti nadležnu općinsku Službu o svom izuzeću u slučaju da je u srodstvu sa investitorom objekta koji je predmet tehničkog pregleda.

V

Uredno kovertirane prijave sa dokazima o ispunjavanju uslova iz Javnog poziva mogu se predati direktno na Protokol Općine Centar Sarajevo ili poštom na adresu:

OPĆINA CENTAR SARAJEVO
SLUŽBA ZA PROSTORNO UREĐENJE I INVESTICIJE
UI. MIS IRBINA 1
71000 SARAJEVO

sa naznakom „Prijava na Javni poziv za učešće u radu komisija za tehnički pregled građevina na području Općine Centar Sarajevo-NE OTVARAJ“, kao i sa naznakom imena i prezimena podnosioca prijave (na poledini koverte).

Rok za podnošenje prijava sa pratećom dokumentacijom je 15 dana od dana objavljivanja u dnevnoj štampi i na web stranici Općine Centar Sarajevo.
Nepotpune i neuredne, kao i neblagovremene prijave neće se razmatrati.

VI

Provjeru ispunjavanja uslova iz Javnog poziva vrši stručna komisija imenovana rješenjem općinskog načelnika, koja nakon provjere istih, a za lica koja ispunjavaju uslove iz tačke II Javnog poziva sastavlja listu kvalifikovanih stručnjaka za rad komisije za tehnički pregled građevina na području Općine Centar Sarajevo, za 2026. i 2027. godinu.
Kandidati čije prijave su ocijenjene kao nepotpune, neuredne ili neblagovremene, bit će obaviješteni o razlozima odnosno manjkavostima dostavljenih prijava.

VII

Nakon komisijskog pregleda i obrade pristiglih prijava, a najkasnije u roku od 30 dana od dana zaključenja Javnog poziva, lista stručnih lica koja ispunjavaju uslove za obavljanje poslova tehničkog pregleda građevina na području Općine Centar Sarajevo za 2026. i 2027. godinu biće istaknuta na Oglasnoj ploči Općine Centar Sarajevo, kao i objavljena na web stranici Općine Centar Sarajevo (www.centar.ba).